

知止齋詩集

知止齋詩集卷第三

常熟翁心存二銘

古今體詩一百五十六首

起乙亥病瘧兩子正月患疹是秋舉於鄉赴金山縣

閱試卷遂赴揚州試梅花書院
丁丑應禮部試由里赴都作

病瘧

欽枕麋難定祕方求不靈
愁先生隔日術未學占星
乞米呼庚癸偷詩防去甲丁
且驅煩惱去高臥讀黃庭

反譴瘧鬼辭

我不召取豎師灸師符詛師亦不日誦子美花卿詩瘧
鬼勸爾一盃酒我有一言爾聽之齊侯若無爾遄臺何

由樂趙羅不藉爾定獻子姚幕何況爾本水帝之子孫
屑屑萬古餘精魂職司江水神所尊倏而置我陰厓門
曾冰積雪通元根跼手足連脰臀腭反舌橋不可捫
忽然東瞰搏桑暎西陟頭痛山無垠徑度炎土如雷轟
祝融火師相怒吞沸湯滿杓力士掀魂往麋爛非炮燔
陰陽二氣胎一元吹者寒噤噓者溫中有至精綿綿存
我生頑骨不可救熱腸屢試明堂灸賴爾九轉神丹成
洗髓伐毛兼益壽逝將壘石爲門畿留女長住此不歸
雲輶雜遝迎女妃清泉一杯掬女飢手把璀璨夫容旂
從女吸取日精月華昔昔天邊飛

長夏逃暑日取史漢讀之偶有所得輒占一絕亦漫不省記矣入秋患瘧伏枕無聊追憶遺忘錄存

十首

硎谷冬瓜實坑儒往事明如聞興禮樂還有魯諸生

習禮淮陽地師傳勝馭中何因設綿蕞獨讓叔孫通
持議堅難定應愁丞相嗔鄭君違詔者彼獨爾何人
時

精兵久已盡長平毛遂區區尚劫盟驚走秦軍與梁客
解紛終仗魯先生

魯仲連

無魚便啟馮公口有酒能降聶政心買盡山東豪傑士

只銷三十萬黃金

尉繚

腐儒坑盡爲砌瓜抱蔓歸來事可嗟四百餘人同坎後

青門猶有故侯家

邵平

劍履班聯絕上公漢家事業起關中夫人亦有封侯相

爭不心推第一功

蕭何

帷闥中能制九州區區平勃想安劉呂公二女元人傑

姊作真王妹徹侯

呂嬃

天子徒知皇帝貴諸生競效聖人稱子房一笑掉頭去

人各有能有不能

叔孫通

已值高皇好罵儒又逢文景尚清虛致君堯舜真無術
枉讀司空城旦書

轅固

讀三國志雜詠

卓彼管幼安陋哉華子魚並坐汙吾席矧乃登薦書舉
賢以分謗失節頗自諱不見魏司空亦薦漢太尉

右華歆傳

白馬將軍奮臂呼七軍同沒獨歸吳一鞭纔免虞翻擊
又向高陵拜畫圖

三十年來受主知得歸雙鬢雪成絲樓船雅會徵歌日
何似昌豨涕泗時

右于禁傳

母邱諸葛相隨盡龍性依然不可馴彈罷人間廣陵散
當塗從此更無人

右嵇康傳

康附王粲傳中

輸作當年徙上方劉楨平視太風狂南皮雅會浮瓜日
又令元城拜女王

右劉楨傳

審諤真堪媲美魚上林詞賦陋相如何當諫罷崇華後
一例分修封禪書

右高堂隆傳

西軍才報敗，猊亭洞浦旋聞隕。將星從此秣陵無，王氣江南終古小朝廷。

右吳志紀

白衣搖舫出奇兵，失計千秋恨子明。九錫纔聞通北使，六軍蚤已詔南征。若教白帝長屯戍，未必黃龍息戰爭。它日樓船東下日，荆湘雖在竟何成。

右呂蒙傳

玉簫引

碧落仙人跨紫鸞，臨江斜倚玉闌干。簫聲吹綠洞庭色，幾點九疑生暮寒。

天女前宵折佛花乘雲來到玉皇家偶經洞府作三弄
吹落碧桃千片霞

夜坐桂華下

香氣浮林端露華四垂合微風吹不動頂壓金匱匝濃
芬鬱盤紆萬縷穿小閣聞花不見花鼻觀先吐納如聞
新蕖芴綠蛾聚滿楹中之人自醉清濁聖賢雜如聞薝
蔔香未禮七寶塔金粟影圓滿覆此皈依鴿我知無隱
旨宣說效老衲未能馨一山或可撮圭合天花散繽紛
幻戲刻銀蠟不知黃雪滿但覺聲颯沓檻前布金地白
足不敢踏歸來抱花眠香界安梵榻

秋日書懷三首

據梧枯坐學心齋
負戴還欣孟曜偕
釀菊有方貧易辦
蓺蘭無地少逾佳
未甘乞食從彭澤
且擬連牀學伯淮
博得慈親開口笑
更無餘事上幽懷

昨夜秋聲到小齋
清風明月與人偕
半生著屐差爲累
萬事隨人且道佳
耽讀任教呼鈍漢
慵耕何幸作不如讀
如讀 淮年來豪氣銷磨盡
絕少牢愁動壯懷

苜蓿盤空馬作齋
清談聊復故人偕
山難入畫看尤好
詩到無心得自佳
瘧鬼已逃桓鎮惡
眼方初試范臨淮
攜鉏準擬尋仙藥
上壽高堂愜素懷

秋原校射

紅葉山中闢射場天然錦幄四圍張一聲鳴鏑捎狐兔
五石新弓拓鳳皇此手雲中翻白雁有人墓下唱黃麋
由來弧矢男兒事莫笑書生骨未強

干將篇

精金躍冶爲干將大冶咄咄呼不祥鑄成拂拭唾紅豔
薛燭眠之非良劍良劍不貴徒屈伸貴在生死能報人
此劍報生不報死鑄者定非歐冶子想當干將鑄劍時
赤皇命燭龍下窺雷公鼓橐籥竈眉陰陽爲炭鑪兩儀
水火旣濟交坎離欲成不成爪髮糜青白氣竭圓中規

雙龍帖帖貫月飛雄者匿乃獻厥雌闔閭怒爰戮之
此時兩道絳虹影便應飛著吳王頸一片孤兒寡婦心
血腥迸入冰花冷不然便應深錮南山邊蒼厓翠壁藏
千年神龍雙屈亦常事矧爲知己全其天胡爲乎精光
上見貫霄漢牛斗斜衝南戒斷華陰山土西江流淬就
霜鋒各分半嗚呼張雷二公非石交豐城先化同幻泡
茂先寡識躓亂朝銅駝屹立埋蓬蒿延津會合雖有日
齷齪已溷凡兒曹君不見徐君墓樹三尺雪夜夜寒芒
半明滅中有一點丹心血

卯酒

三盃卯酒陶然醉銷盡江南萬斛愁會得此中真趣在
不將一斗換涼州

我亦新盟訂麴生劇憐蓋凸照窗明三升官醞無從覓
此福終輸阮步兵

讀陳和叔先生東莊集

滿腹經綸竟未施遺言猶足帝王師縱橫治水田睽窵
慷慨譚兵杜牧之知已有誰如狗監諸公空自媿牛鑒
馬周開濟陽城慙可惜無人佐

聖時

乾隆初 詔求樸直骨鯁之士如馬周陽城其人
者海甯陳相國奇先生欲薦之先生辭焉乃不果

日正光華月正圓杞人何礙也憂天危言自合容

平世遠慮終推議重邊當日寘身千古上于今回想百
年前長沙痛哭江都策一樣沈幾燭事先

說詩

說詩不說詩乃得詩人情溫柔敦厚教可以通治理申
公不多言願力行何如王式以詩諫是以亡諫書訓故
闕不傳往往得大略潤色且不肯矧迺敢穿鑿申公授
弟子趙綰及王臧稍稍失師意制作夸明堂唐褚雖師
式誦說終見辱主人歌驪駒豎子詆狗曲外此說詩者
嬰悍固則愚司空城旦誚毋乃繇是與韋家父子學相
業亦相等繼起者其誰吾將問匡鼎

雪中集總宜山房

寒鴉點點自呼羣小集寒齋共會文酒氣細溫蒸米雪
墨花揮灑化同雲客來戶外拈珠履人坐窗前唱練裙
春信漸回山意覺梅花消息已三分

總宜山房看雪

喜氣迎三白飛霰徧萬家松高當竹拜山好被雲遮酒
量因寒長歸塗覺路賒春盤時節近還就看梅花

病中雜述

丙子

春來浹日病纏綿累得全家盡不眠夜半呻吟猶未敢
白頭老母坐牀前

細撥櫻桃活火灰彭亨鼎腹沸如雷已煩慈母親調藥
更著山妻進藥來

橋頭問卜索菰茅暗數金錢細細拋鈔得絲辭眉已蹙
剛占師卦第三爻

漸漸膏肓二豎侵返魂須仗紫團棧搗來盡篋都揆盡
典到閨中約臂金

斗室香煙一縷縈三更細語不分明內中忽露平安字
知是閨人禱佛聲

心香熱徧氣如絲爲問痊期未有期老僕今年過七十

衝泥日日禮叢祠

老僕姚方性至肫篤事
余祖父以來四代矣

書塾初開供課呈
瀾翻布穀齒牙清
黃鸝欲向上林去
初試新春第一聲

轉歎便便富五車
儻教竟死又何如
如讀書未必人人誤
終望兒能讀父書

緣病翻知辟穀方
一句曾未進壺漿
商山芝尚嫌多事
去去欲從張子房

炯然眸子湛清虛
贏得饑餬病起初
留取一雙如月眼
近來半月不看書

頗黎琢取水精宮
鑿鑿圓如日正中
不是借宅光有耀
要他遮卻一層風

乍寒乍暖未平分小坐牀頭日又曛底事春風太無賴
故翻紙帳作波紋

春風應已遍天涯欲待扶筇力未加又恐慇懃花信去
思量健步致梅花

十死才蘇百病身嬌兒連搗又嘔呻幾番欲起渾無力
且學忘情第五倫

二月二日曉夢乍醒聞子規聲甚淒切枕上口占
子規日日到齋頭喚道兒歸不肯休今日兒歸何處也
泉臺風雨夜悠悠

似汝鍾情世所稀春風下上叫斜暉人間無限分離苦

盼殺兒歸竟不歸

哭音保

衰宗神弗佑奪此好男兒一病才蘇後千秋永訣時憐
余無福命誤汝是庸醫漫說憑天數終傷我不慈
曇花開一霎愁爾太聰明巧語人人喜吟詩字字清病
中吾未死夢裏汝猶生慟絕誠何益中心自不平

夢音保

已矣今生事翻嫌入夢頻忍言兒是鬼尚憶汝爲人慧
業銷沈劫靈根悟夙因金鑑如再到知否記前身

吾生

愁與春俱到吾生合蚤衰病危真負孝貧甚最傷慈忍
痛緣親老吞聲恐婦知回腸如轉轂雙鬢已成絲

感念亡兒寢不成寐案頭有篋中集一冊繙閱數
周雜用其韻以寫悲懷

貧賤無慈親惡歲多枉人誰歌薤露曲此曲不忍聞念
我所驕兒去我杳無迹春風折蘭芽一旦忽蕪沒昨宵
入我夢指口苦道飢攬衣欲就抱一慟知已非海水有
時竭兒行歸不歸

炊玉陳糝羹東房設魂位明知靈不存且盡生人意長
風白浩浩吹雪滿天地恐增老母悲欲哭復制淚爾身

尚單寒爾齒猶童穉風雪阻泉臺魂來恐不易呼爾爾
不膺靈旛動哀次翦紙爲冥衣衣成不能寄

城頭烏夜啼遙林聞哭聲伏枕不能寐惻然傷我情舉
帷影彷彿顧影不見形汝母晝夜哭兩眼幾喪明今生
已如此不願汝再生

步出北郭門言循東麓路前日風雪中輿機從此去纍
纍指荒墳歸然見新墓兒骨諒速朽兒魂住何處落日
下平原蕭蕭白楊樹

連日風霾梅花將盡叔才獨遊維摩寺余病未能
也歸述清游悵然有作

髻腳輸君汗漫游未知此福幾生修
香融慧日初升地人立仙雲最上頭
嚼徧清芬迷夢蝶袖歸寒玉舞潛虬
揭來丈室天花散試看都消結習不

爭教錯過好春光強自寬懷更自傷
潦草因緣拚決絕飄零時候怕思量
卽今無賴夭桃放轉瞬多情亂絮忙
縱使廣平心鐵石也應作賦怨淒涼

古意二首

著意梳螺髻留心點絳脣妝成頻照鏡
不敢問旁人纖靨妾自知下翦復遲疑
一自停歌舞空箱疊幾時

答單師白

寶筏金繩占地寬茫茫彼岸總迷漫罡風吹到修羅刹
始信人天說法難

廬山東望破頭雲紫氣童童白氣分莫道嶺南無佛性
傳衣也自祖庭聞

不識西來意若何佛衣交付蜜多羅豐干到底多饒舌
且學嵩山老達摩

重有答

罵佛佛不瞋佞佛佛不喜觀海者何人趺跏豎一指
心安塔上鈴諦觀一刹那請看須彌山只如芥子大
夢偕友人登一塔凡十三級已登其十一矣回跡

同游蹤跡都渺余覺寒甚凜冽而下

千仞孤標勢鬱蟠平看日月轉雙丸銀梯躡到初桃易
香界探從絕頂難未必仙緣無福證果然高處不勝寒
回頭重向塵寰去隨分心原自在安

宿破山寺

高閣嵐光合空潭月影懸泉聲春夢碎佛火罩燈圓夜
靜花香發山深俗慮捐湛然無起滅心在四禪天

碧玉篇

并敘

夏六月旣望夜夢入古寺立彌勒座下髡髮披衲捧
盃持具儼然現比丘身矣一老僧循西廊上手一水

蒼玉狀若珪背鐫碧玉二字填以金授余曰謹藏之
把臂入殿伏圓蒲上梵唄聲過雲子不解所誦經但
口吟佛號起隨眾繞佛三匝已有人唱曰參大師導
入斗室明窗洞開檻外澄波浩渺無際臨檻設一几
一榻紫衣師趺坐榻上予膜拜之師曰汝有法名不
曰未也師曰名汝以了觀子敬諾晚師方據几持牙
籌作會計狀心竊鄙之師曰汝勿腹誹出家人忙於
在家人大和尚更忙於眾和尚汝它日行自知也子
悚然謝不敏見室中書甚富問曰此藏經耶曰皆經
史子集也問僧亦讀羣書乎曰不讀羣書安得通內

典也語次有童子年十六七神采秀慧來謂子曰師
召汝子曰吾師在是笑事他師爲師曰余爲此寺總
持汝固自有本師在也指童子曰此汝兄矣子隨童
子去見一僧狀貌瓌異酣眠未醒因問童子日日作
何功課曰亦誦經史耳問習何業曰作文問古文耶
曰時文也取案頭制義數十篇示子其首篇題爲君
子以文會友子拊掌大笑而寤殘燈熒然恍若有失
念生平夢境未有若是了徹者作詩紀之以俟異日
徵驗焉

空山無人清磬圓幽夢忽墮蒼厓巔拈花手呈彌勒前

金襴法衣學水田左提軍持袒右肩窺鏡自視童其顛
西廊尊宿來蹣跚龐眉黃面高兩顴贈我一片青琅玕
剡上方下如躬桓背文碧玉兩字鐫前身恍惚來竺乾
入門俛伏禮金仙滿堂梵唄流水喧繞佛三帟若轉圜
有人導我參戒壇明窗十二七寶欄欄前煙波何淼漫
坐中開士方無言欲動不動非風旛嘉名錫我曰了觀
洞徹三界周中邊前歷千劫後萬年恆河沙數兜羅綿
津梁告疲心孔艱度人無術砭愚頑由旬拘盧莫可殫
低眉布算聞微歎牙籤插架連屋椽瑤函瓊笈開娜環
汝能讀盡四部編方許汝證天龍禪重尋本師叩幽關

香龕寶地安且便支頤攤腹跂腳眠殷雷呼吸其神全
旁侍童子清且妍冰雪綽約夫容鮮覲縷道妙宣真傳
口誦經史如瀾翻示我世俗文百篇是心是法何因緣
我能習此自世間安用饒舌勞豐干掉頭大笑魂遽然
統如五鼓月滿天

棲霞阻風

塔杪鈴言替戾岡果然旗腳轉危檣荒蘆械械戰秋雨
衰柳垂垂空夕陽鷁不因風先自退山如欲語笑人忙
支離病骨餘生在肯逐冥鴻下上翔

聞有應試者江中遇風覆舟爲之感喟

如此風波惡胡爲涉險行浮沈原有命得失况微名縱
出鼃鼃窟難爲漂泊情千金軀可惜莫抵一毛輕

酬蔡二補梅壽昌

并敘

補梅浙江德清人子友張椒卿之弟子也年甫弱冠
負雋才趙季山先生學轍守湖州補梅以白桃花賦
湖州竹枝詞三十首爲趙公所激賞以愛女妻之椒
卿爲子誦其警句如詠鏡云攜將紅蓼谿邊過一路
菱花不敢開詠帚云記得前年埽黃葉風流太守愛
山臺可想其倜儻不羣之概矣子與補梅素未覲面
補梅以詩因椒卿贈子感其意輒作三章訓之

雪川水清泚虞山鬱嵯峨乾坤兩閒人涉足動相左觥
觥張夫子懷情暢彼我寄詩慰匡居遠逐鷗夷舸開緘
諷嘉言清越兼帖妥上言勵志節觀物陋么麼下言當
飛鳴振翮慎推墮我生寡朋儔蚤歲足坎坷相期拾瑤
草幸免餽飯顛前楹寒鞠榮淩霜燦雙朵

觀日登泰岱尋河遡崑崙不到絕頂地安知衆所尊賈
生年弱冠上書數萬言憂樂繫天下舉念安黎元生才
固傑出緊豈無淵源方生未登朝乃出吳公門君今覲
良會冰交守大藩醇儒作良吏緒訓陶甄存他時振逸
轡草野覘經綸毋徒事章句道義古所敦

鯁生秉微尚博辯騁雄快豪氣看寶刀虛名困天械涉
江駭曾波渡海濺驚泚青冥靶詎紆白鶴羽長鋌竭來
道味腴始受孔子戒方知日月寬未覺天地隘學勤疲
十駕心夷少五噫立身慎脂韋處世簪剛夫遙遙聲氣
通有似珀取芥庶幾相雕鐫願勿廢菅蒯

林桂舟師招同門下士消寒小集卽席賦呈

後堂絲竹雨中喧桃李欣看聚一門河濟並容滄海大
徂徠也傍泰山尊寒銷夏屋裘應卸人坐春風氣自溫
明日片颿三泖去客中小別亦銷魂

胡石火周味菴諸子將返吳門

周嘯霞茂才儁煙霞嘯傲圖

嘯霞居士抱清曠之才足煙霞之癖潘文樂旨羊體
嵇心奄擅其勝與予同出唐陶山師門下癸酉秋相
遇秦淮今復快聚柘湖官舍因出斯圖屬題用綴蕪
辭聊當泥爪

十年前誦驚人句想見霞標起赤城蘭譜漫叨陪雁序
苦心早已證鷗盟白門秋老花無恙黃浦潮歸月有聲
彈徹移情水仙操海山深處悟前生

煙雲過眼易饒餽無數霞光繞柘湖纔繫新尊浮綠蟻
又添別緒唱驪駒衝寒勞我懷中刺長嘯輸君市上壺
他日蘇門相問訊鸞聲猶似舊時無

柘湖釣魚詞

時在桂舟師金山署中裏閤試卷

料峭西風水國寒柘湖東接海迷漫莫言徹底魚能數
如許波深下網難

新署頭銜作釣徒蘆花如雪易饑餬沈吟便欲收竿去
恐有驪龍未吐珠

雪霽行丹徒道中

初融微雪靜飛沙恰喜看山坐小車塗附輪真生四角
路荒人欲誤三叉高風影急銜蘆雁落日林昏啄肉鴉
歲晚天心厭馳逐旅人何事不還家

雪後登北固樓

孤游凌積雪高閣倚斜曛玉琢南徐樹囊探北固雲寒
光千里接人語九天聞歲晏不歸去空令客思紛
晴雪壓危巒憑闌得大觀濤聲吞鐵甕山勢走銅官很
石千秋在長江萬古寒傳聞酒可飲買醉且盤桓

丹陽夜行

車聲聽歷轆南繞練湖陂雪浪浮千疊銅輪隱半規林
光疑宿火人影認殘碑歎息歲云暮馳驅空爾爲
征人自有程衝夜過嚴城欺雪月無色打冰風作聲厓
欹千尺迴路入半空行漸向寒郊去荒雞正亂鳴

擬古

丁丑

黃鵠性耿介超然謝塵氛朝披洞庭霧暮狃天門雲逝
與隨陽雁迢迢窮八垠羣雁志梁稻形影下上分黃鵠
引領顧悲鳴呼其羣羣雁俛而啄千呼如不聞乘危得
一飽交頸意悅忻邪揄謂黃鵠笑爾空辛勤黃鵠去不
顧振翩凌蒼雲物理各有適焉用徒糾紛

辭家

飄然解帶出蓬廬席帽行滕上鹿車一第詎爲榮世計
十年曾讀濟時書敢因干祿違遺訓留得初心慰倚閭
爲問山茨猿鶴侶蒼生屬望定何如

放舟

一笑長安去扁舟汗漫游東南望吳會西北有高樓書
劍輕齋便年華逝水流會當凌泰岱放眼看神州

渡江

春色蓬蓬遠江流淦淦平煙開千樹迴日暖半帆明去
燕時回睇因風欲寄聲家山花正發何似廣陵城

高郵阻風

清晨雲浦霧霽湖舟行恍入壺公壺榜人衝霧走十里
霧散雲收日垂珥竭來午飯高郵城牆烏作作微有聲
須臾東風動地至百丈勢與洪濤爭是時長淮見光怪
塵沙瀕洞浪澎湃桐柏支祈掣鎖逃甌湖老蚌張颯拜

天地黯黷蛟龍愁陽開陰合構蜃樓植椿纜舟日正昊
惡浪顛風行不得我欲拔劍呼豐隆更欲伐鼓馮夷宮
朝廷令甲急轉漕舳艫銜尾來江東風濤如此阻期日
得毋宵旰勞

宸衷況今桃花水異漲舂鉏處處防河同軒軒擺硯怒
不息晝夜搶險難爲功河隄一旦有蟄陷民命凋瘵神
羞蒙風師川后肯垂聽爲我電掃開氛霧逢逢打鼓發
船去銅輪晚射湖波紅

袁浦

公路屯兵處淮黃此合流波平高堰樹春到楚州樓轉

漕期方迫防河策已周魚鱗千萬戶無計避陽侯

四望

六塘橋外路四望倚危岡土入徐州赤雲生大澤黃高
原愁雨少下地急河防端賴賢良吏綏循著善方

邳州紀事

嚴城旌旆閃噉紅持節歸來漢上公已肅官方登白簡
更陳民瘼達

蒼穹阻飢自切

唐堯念活命終資富相功試望荒原生意轉垂楊萬樹
帶春風

一
秕糠雜和樹皮春誰匿偏災不告凶議罪條難寬執法
蠲租符蚤發司農鴻蒼聲尚盈阡陌鳩集

恩先下

九重父老莫愁苛吏在春來雨露自

天濃

西來山勢接彭門北上千秋履跡存白日暉沈芒澤大
黃流聲挾呂梁渾時平未改屠沽習地險終虞盜賊尊
且賣佩刀多買犢汝曹端莫負

皇恩

下邳懷古

慶卿七首漸離筑絕技流傳到博狼一擊遂教秦鹿失
十年終見祖龍亡獨將祕記師風后假託陰符佐漢皇
赤舄丹藜圖像古陋儒吾笑孔文祥

赤兔嘶風怒未平白門樓下水縱橫英雄多爲妻孥累
反覆曾無父子情縛虎肯容時少緩連雞畢竟事難成
公臺枉爲溫侯死可惜知人鑒不明

日昃投廢寺午飯

院後開羊肆龕前劉馬薪荒墟喧趁集古佛冷看人脫
粟登盤貴巡檐乞食頻黯然投箸起三歎爲流民

劉伶墓

第一才子詩卷之三
一片荒墳葬酒星。土花猶帶酒痕青。生當易代天難問。
死便長埋地不靈。作頌肯陳司馬德。解醒甯屑婦言聽。
三閭慟哭先生笑。一樣孤忠異醉醒。

花朝滕縣道中和吳惠欽同年廷鈐韻

斜風細雨度芳辰。漫說花開白似銀。人別江南方是客。
天高淮北不知春。空教猿鶴多相怨。敢信文章自有神。
莫笑出山成小草。樗材只合作勞薪。

滕文公祠

溝洫經環尚儼然。齊梁誰似此君賢。天心久欲除封建。
古制何由復井田。卜正自隨周室替。岐陽難效昔人遷。

祇餘野老陳芳醕祠廟千秋託一塵

冒雨宿南沙河

淮沂二月寒猶緊漠漠川原無隰畛陽和不見春光回
跋涉何堪陰雨窘風寒枯樹叫餓鴟天曠平蕪下飢隼
蕭蕭急點濺帷裳漸漸衝波沒箱軫荒墟杳杳若無人
前路漫漫日將盡雨行誰恤臧紇聖牴作真同趙羅縻
陷泥車似曳尾龜傍水邨疑布空蜃低頭茅屋且復休
洗腳繩牀吁可哂燎衣瑟縮僵癡蠅疥壁欹斜走蟞蚓
空腸得酒轉輾轡伏枕哦詩擢肝腎夢醒轉訝風雨急
馬齷殘芻脫羶鞵

伏枕

伏枕不能寐高堂正倚閭遙知江上信已達潤州書月
黑宵傳櫟霜清僕守車好祈今夜夢安穩到吾廬

鄒縣道中

鞭絲席帽趁新晴夾路桃花照眼明飽看魯南好山色
茲游原不負平生

東來山勢接滄溟極目峰峰未了青說與村人渾不解
斜陽何處問云亭

巔峴葛嶧對龜蒙禹蹟秦封想像中下有魯諸生誦說
不知誰是叔孫通

穀城書在終何補梁甫吟成願竟虛脫卻寶刀事琴瑟
竭來漸近聖人居

謁孟子廟

葛嶧鍾神秀巖巖氣象存七篇明性善三聖接心源荒
怪談天衍俳優炙輠髡蘭陵推祭酒遷史漫同論

邪說排楊墨微言闡孔顏神功侔大禹廟貌傍尼山笠
澤陳書切吁江異論刪參天松柏影仰止企賢關

道旁杏花一株嫵媚可愛感而賦此

春冰乍碎鏘瑤玉冷鎖峰尖含黛綠嫣然紅映一枝明
絕代佳人在空谷晴沙浩浩波鄰鄰川平野迴無行人

穠姿逸態孰見賞令人卻憶江南春江南二月春正好
月影交橫亂萍藻孤負花前醉百觴漫勞遠走長安道
長安碎錦城東開石壇高倚紅雲栽繁華寂寞休相妒
一樣天工費剪裁

中山店題壁

柳梢圓魄剪刀風暢好清游二月中山色初晴加倍綠
桃花將放自然紅且拋愁緒訓歡伯那有心情唱惱公
無主春光無奈夜伯勞飛燕任西東

過兗州

東來洙泗繞林垌南指龜臯列畫屏古殿不存春草綠

危樓長倚嶽雲青桑麻平野開千里秦漢遺文守六經
何日西行夢丹漆金絲擬向壁中聽

柳下惠墓

和風吹壠氣春溫遺直猶看斷碣存死後一坏留敵國
生前三命阨臧孫雷災宗祏天難問謚定賢妻道始尊
太息東陵殊臭味參辰難使薄夫敦

西楚霸王墓

碣磳闕外野茫茫繫馬荒岡拜憤王萬古疑冤戕義帝
一篇本紀代秦皇驚飈晝起彭城黑落日暉沈大澤黃
圖籙已交亭長去可憐三戶定天亡

竟把頭顱付馬童大王真不愧重瞳一雙壁碎鴻門白
三月灰殘閣道紅真主儻教擒霸上建都何必定關中
江東父老吞聲哭眼看龍顏唱大風

亂山如玦月環營數闕虞兮恨不平豎子空提三尺劍
而翁幾作一盃羹愁聞夜帳雞鳴曲猶勝深宮雉雊聲
同是楚歌悲忼慨戚姬舞罷淚縱橫

陰陵失路指驚龍隻手難將九鼎扛百二河山歸赤帝
八千子弟散烏江漢宮綿蕞方行禮魯國弦歌未肯降
畢竟腐儒公道在穀城終古勢銜颯

東阿舊縣

峰影千重合村煙一抹平廢營尋尹卯危徑塞夷庚止
濁膠無力燒畬石可耕唱籌中夜喟誰自壞長城

舊縣夜發

半夜衝寒發荒村曙雞風回深谷冷天入亂山低明
月聞魚梵清霜盛馬蹏車鈴搖夢醒已過萬峰西

東阿懷古

偶託微詞諷洛神楚騷哀怨比靈均君王自有傷心事
肯向黃初賦感甄

車中謠

郎當郎當君馬白臣馬蒼君馬駕飛黃臣馬亦上襄朝

涉水蹠凍僵暮陟阪項脫韁朝朝暮暮不惜力但願送
君寘君日月旁山有木兮津有梁求之不得兮我心內
傷

獨漉獨漉車兩輪八尺轂馬四蹠一斗粟胡爲乎使我
朝不得休暮不得宿朝驅車輪碌碌暮驅車蹠逐逐蹠
乎毋摧輪乎毋覆短衣至胫猶可續彼哉夷吾歌育育

高唐曉行

百舌呼風燕語輕齊音厯厯聽分明綿駒死後何人繼
撥盡鷗絃調未成

尋九河故道

胡蘇亭下暮煙平
屯氏河邊葭菼生
遂使宣房功獨絕
祇今碣石辨難明
馮遂書奏終無補
賈讓才高竟不行
驅馬古鄆城畔過
何人更憶武安名

東方朔故里

蚩尤中夜衝天起
太白光芒射西時
東方失卻蒼龍精
天遣歲星佐天子
兩人昇策金門來
一讀一乙月兩回
天子大臣合殊禮
毋令徒索長安米
齒如編貝目若珠
臣朔迺肯同侏儒
隴西良家亦待詔
先生不受期門號
伏日肉等蟠桃偷
細君一粲阿母愁
竭來大醉溺殿上
有眼那識孫丞相
傳講何人入殿中
謁者傳呼主人翁

朔來朔來辟交戟先帝當年此前席請鑒九市陳六符
甲乙之帳焚通衢天子鼎然可其奏臣朔再拜前上壽
功成騎箕報高皇猶恨生不烹宏羊吁嗟乎文成已食
馬肝死颯颯秋風渡汾水腐儒纔進封禪書宮中報掘
桐人矣歲星在旁十八年羽衣海島方求仙

偶書

矍鑠精神想潞公指揮河北領元戎貝州談笑擒王則
何似平淮第一功

山左懷古十首

武城高嶺鬱崔嵬曾試牛刀禮樂才吳地兵氛銷北向

尼山化雨盡南來先生屋外春常滿處士廬邊徑不開
從古烹鮮同一術豈容陽鱉上琴臺

弦歌臺

仙雲幻出化人城千古風高吏隱名蝴蝶夢回香一國
髑髏人語月三更波臣東去濠梁闊河伯西來櫓堞平
猶有屠龍心事在荒原劒氣繞縱橫

漆園城

大航孔壁盡傳疑劫火燒殘贖古祠百代帝王尊博士
一家兒女作經師砌瓜議已逃秦網綿蕞人方習漢儀
獨抱遺編傳萬世天留此老到期頤

伏生祠

坐鎮全齊七十城堂皇曾此拜先生力開一代循良治
獨擅三年宰相名醇酒全銷功狗氣楚歌難和野雞聲

安劉畢竟非公等空使清言誤召平

蓋公堂

漢家四百年天下一片荒臺萬古青落日陰森嘯大鳥
中垣芒角動台星金銀氣避純臣節暮夜聲聞上帝庭
回首華陰西去路愁雲深鎖夕陽亭

四知臺

高車遙式鄭公鄉書帶離離接禮堂一代名卿多北面
千秋經學倡東方潛銷兵氣安青部獨證元心夢素王
太息慈明虧晚節無雙應愧擅高陽

鄭公鄉

白雲終古繞云亭直壓城樓入杳冥吳會遙分雙匹練
乾坤中劃一條青西來紫氣浮霄漢南去蒼梧倒日星
投老浣花堂上住猿聲哀抑不堪聽

嶽雲樓

被臬穹碑勒顯忠甘棠亭畔扇仁風十三策定安邊議
百萬人思活命功蓋世勲名垂漠北補天荒政在京東
范泉此去無多路合繫新尊祀兩公

富相亭

蘇李當年此地游平生逸氣未全收使君日下無雙士
散吏山東第二州天驥不辭霜雪險孤松合與棟梁謀
後雕心事譚兵舌一曲伊涼萬斛愁

歲寒亭

北臨淮水想淮陰西望雄關霸業沈遙指南雲鑄馬耳
欲傾東海洗蓬心江湖十載龍蛇駛風雨重來杞菊深
譜就木蘭花一閱箴聲時作水龍吟

超然臺

董仲舒故里

漢代論儒術先生學最醇嘉謨嫔伊呂對策闡天人屢
作驕王相誰知鴻筆臣我來下馬拜開閣恨平津

漫河題壁

宣防虛費水衡錢欲鑄黃金作石填莫把荒唐笑五利
治河除是仗神仙

過河間

春風吹徧柳條青來上瀛洲第一亭地接

神京依紫極天高勃海俯滄溟灤邊鳥靜飛都瀨城上
鳥嘯夢易醒我已無錢輸姪女那堪榆莢更零星

河間懷古

漢帝崇儒術賢王翊贊功雅音存樂部古禮出淹中策
對三雍辨身兼六藝通淮南空好士叢桂起秋風

鄧州

遼宋紛爭日嚴疆此作門至今陂淀際應有國殤魂壞
壘千秋在歸墟百貨喧夕陽蘆渚外漫畫尚翩翻

鄧州雜詠

辦香虔禮藥王祠願乞刀圭服上池洗髓伐毛容易事
名心一點可能鑿

幾甃河邊飛上天生來兒子總癡顛高家婦女都奇絕
莫更傾城怨小憐

雄關屹立仗奇謀賓佐當年載酒游今日

太平無界限月明風定蓼花秋

趙北口

連橋宛宛策征驂水似琉璃樹似簪隔岸孤帆疑鷺白
際天新葦映雲藍浮方罫陳根露灘覆團瓢淺漲涵
除卻驚濤飛十丈風光差不異江南

龍潭鯉激勢縈紆燕趙中央此奧區落日魚鰕登亥市
春風楊柳接丁沽無邊蒼莽山如礪不定煙波屋似鳬
誰繼道園陳水利東南民力或全蘇

雄縣懷古

龍舟西上指燕山日薄虞淵竟引還從此幽雲長不復
千秋遺恨瓦橋關

涿鹿懷古

畫角龍吟雁幟舒辰星長護縉雲居
鎗旗氣散蚩尤霧
回字城開帝項墟日落金臺高嶽巢
春來桑蓋影扶疏
滔滔涑水清如此不見仙人赤鯉魚

易水懷古

東宮池上拋金丸珍羞絡繹進馬肝
華陽美人鼓琴罷
纖手一雙盛玉盤丈夫意氣感知已
誓將一死酬燕丹
回風蕭條易水寒壯士瞋目髮指冠
登車一去不返顧

白虹貫日雲漫漫羅縠單衣裂而絕背上鹿盧負而拔
祖龍不合死今年八尺屏風劒尺八木鳥生足鬼夜愁
血殷衍水聲啾啾督亢終歸呂政手只憐枉斷於期頭
噫吁噉夏扶宋意不足遣舞陽鄙人顏色變徘徊不發
待客來可惜不逢魯句賤

督亢陂

月池萍藻繞菰蒲池畔荒亭問有無巨浸儻疑鰲養澤
秦宮久失督亢圖秋風穠穉翻紅稻春水淪漪浴白鳬
太息裴公遺蹟在誰將烏鹵變膏腴

樓桑村

葆蓋長飄薊北雲樓桑人豔指榆枌千秋正統歸炎漢
天下英雄讓使君徐沛艱難經百戰荆梁草創限三分
錦官城外祠堂柏髣髴靈旗倚夕曛

涿州道中

齟齬晴沙擁麗譙峨峨雙塔聳層霄黃塵市地迷灰洞
白浪排空壓石橋祇有虛名憐郭隗更無靈氣惜燕昭
晚來浴馬潭前過嗚咽寒風怒未銷

望諸君墓

千秋絕調報燕文遺恨先王竟不聞一自蒯生流涕後
更無人弔望諸君

良鄉道中

塔岡突兀倚晴空隄外垂楊帶曉風三輔暖浮春草綠
五雲朝傍日華紅煙嵐窈窕開青嶂古館蒼涼問紫濛
拂拭征塵豪氣斂觚棱遙指鳳城東

度盧溝橋

西山橫翠馬頭迎腳底桑乾疊浪生萬國梯航從此集
九天閭闔望中明虹橋迢遞三千丈仙閣參差十二城
曉月低迷春影麗蔥蘢佳氣指

神京

知止齋詩集卷第四

常熟 翁心存 二銘

古今體詩九十八首

起丁丑會試下第遊大梁應史望之先生聘課其三子戊寅仍

客大
梁作

微雨

丁丑

條風扇春城一雨洗積塊游絲冒落花帖帖不敢上甘
滋潤土膏滲漉滿盆盎嘉樹含新萸幽禽弄圓吭檐牙
乍吐溜日腳已射幌西山晚氣涼排闥送清爽野人愛
幽討木畏嬰世網竭來走長安饑驅掉塵鞅燕郊雨絕
少如露掬仙掌筋骨苦不舒濯纓發遐想頗憶江南春

煙波渺平壤夢回風打窗猶疑檉棹響

登黑窯廠

野鳬潭畔試躋攀景物蕭疎郭杜間雲氣岩嶢開
北闕煙嵐窈窕帶西山愁看玉沼新荷動回望金臺落
照殷十丈紅塵冠蓋里登臨能得幾人閒

張鹿樵閣讀大鏞種松調鶴圖

撫松恨不干尺高放鶴恨不萬里翔松心鶴骨自翛逸
肯溷齷齪凡兒曹鹿樵先生大羅客柏臺烏府承遺澤
節似孤松傲雪蒼心如野鶴臨霞白廿年管領清華班
五雲書判天邊頒直廬閱邃足吟歎夢魂只繞江南山

天衢日日馳飛鞚丹山苦欲羈鸞鳳偶憶哦松聽怒濤
閒思養鶴分清俸數椽卜築城南隅一年休沐五日無
息壤有約久不踐竭來豫寫看雲圖晨興紅藥翻階蚤
夜深麻救挑鐙草松在盆中鶴在籠何如偃蹇山林好
先生掉頭歸去來黃庭芝草呼龍栽萬松書院參天色
好撥仙雲待鶴回

萬松書院在破山寺側今故址尚存

下第後作

文章得失寸心違疏越遺音賞詎希漫說坡公知李廌
祇應永叔黜劉幾籠中病鶴矇矓舞江上閒鷗浩蕩飛
嶽臬黃金臺下路京華雖好不如歸

送梅江南歸

春明門外餞春天同對飛花各黯然此地客今餘幾輩
重來君又遲三年家貧漫說名心冷母老仍愁望眼穿
苦欲相留留不住淥波一櫂孝廉船

擊筑聲殘惱不支且沽滄酒盡金卮藏懷刺恐三年滅
敵手碁偏半著遲篋裏關山愁月缺客中情緒怕親知
短書便擬憑君寄爭奈全枯筆一枝

沈華麀同年毅索米圖

人生識字憂忠始

用東坡句

餓紋隱隱成從理誦得四十四

萬言臣朔固應飢欲死沈子彙彙三十餘玉立戍削仙

儒臞成均拔萃不見省飢驅三載顏色枯昨歲登賢書
仍復困公車空腸轆轤不可療解嘲聊寫索米圖關吏
索稅官索租餠腹大賈工索逋破書百卷煮不得轉向
人索毋迺迂况復長安冠蓋地尺瓊尋桂憂空匱夢醒
黃粱熟未曾飽餐白粲談何易細君書札寄長安報道
晨炊無米難賃舂但免棲皋廡割肉何勞費大官吁嗟
乎奉粟一囊錢二百曼倩當年猶執戟君今通籍知何
時那怪家儲無儋石君不見城東漂母哀淮陰一飯他
日酬千金又不見淵明乞食宰彭蠡折腰僅爲五斗米
咄哉腐鼠盜太倉安得竹實養鳳皇腥羶甯死不肯食

下眎百鳥何其忙冥鴻高翔貴及早莫向風塵覓梁稻
負米歸來慰倚閭何如飢走長安道余亦將爲梁宋游
飽喫青精拾瑤草

邵蘭風上舍廣銓招同程心宇孝廉定謨季上圩
布衣士訢華麀惠欽兩同年置酒話別卽席口占
留贈

白雲出岫與心違又勒微風不放歸窮鳥離巢仍漠漠
落花辭樹故飛飛飄零似我身安託去住依人計總非
同是天涯淪落客那堪把酒對斜暉

出都

浩然辭都門鬱鬱誰與適言從鄒枚徒逝訪監門宅羣
公動容嗟頗爲鯁生惜故人攬衣袂欲語情脈脈豈不
念思私豈不樂听夕男兒名不成去住總爲客六街天
風來詖蕩九門闢玉河靈波深滉漾通

太液出壑無縱鱗排雲乏仙翮枯魚轍旣涸窮鳥木安
擇揮手謝諸公且復事行役回首望西山五雲綯丹碧
昔我初來時新綠萌垂楊今我忽然去二麥倏已黃抽
絲繭自縛旋磨蟻自僵日輪縱可繫安得長繩長驅馬
西南行林巒鬱相望鳴蜩聲嘒嘒百草久不芳道旁積
行潦欲濟愁無梁長征自茲始落日下大荒疾風吹浮

雲奄忽飛鳥翔仰天發長喟我比浮雲忙

西上盧溝橋行行屢回顧天開恆嶽雲煙鎖薊門樹桑
乾水剽疾飛鳥不敢度驚森撲面來黃埃四垂布伸手
不見指矧迺覩五步我車旣歛傾我僕亦顛仆老馬迷
前途哀鳴如有譟逸足思追風合被皇天怒微命猶力
爭虛名每自誤左左歎路窮冥冥又日暮

日暮塗正遠解裝投荒邨集衣塵一寸目眩亡精魂昏
鐙剔無燄哀飯炊不溫土牀展襪被心亂夢亦繁上念
倚閭母半載違晨昏下念素心友何時共酒尊進不膺
組紱退不守邱樊側身天地內更欲投何門冥鴻失其

侶落葉辭其根辭根得新枝失侶銜舊恩江湖易失墜
常恐波浪翻明發驅車去襟袖餘淚痕

涿州道中

驅車過涿鹿攬轡登危橋巨川會涑易巖鎮環燕遼
聖朝大無外面夏煙氛銷雄關愼筦鑰億載崇岩巒行
行折西南原野何寂寥班馬求其羣悲鳴風蕭蕭深箐
嘯狐鬼祆廟藏山魃太陽一以照罔雨不敢驕敬謁桓
侯祠緬想英雄標雲龍旣契合勲業遂炳昭惜哉李將
軍射虎瑀弓弨數奇不受賞麟閣圖票姚

大激堡

道經大激堡有水何清駛回向道旁人借問此何水道
旁人不識但指橋上碑碑上字厯厯請君自讀之下車
捫穹碑碑是土人立云是康熙年建橋萬金集但紀土
人姓不載此水名落日橋上立流水嗚咽聲

道旁謠

深一丈道右川高一丈道左田一丈深水嗚咽一丈高
龜紋裂挹此一寸二寸之清波注彼千頃萬頃之陂陀
噫吁嚱萬牛回首挽不動挽田之難難于挽天河

道上帖帖黃塵飛田中厯厯小麥稀道上雨一寸田中
雨如嚳行人安穩居人怨田中雨一犁道上滑滑泥居

人歡喜行人號居人憂旱塊行人歎獨漉不聞行人笑
但聞居人哭噫吁噉安得剗田使低道始平有駒可駕
犢可耕

保定道中

鈴鐸聲中曉氣清濃陰成幄四圍平黃雲卷盡綠雲繞
十里棗花香入城

燕南

燕南趙北樹冥冥戰伐千秋此地經礪石當年成虎踞
陣雲終古帶龍腥沙橫大道無邊白山劃中原不斷青
閒上高臺看雨戒幾回含醉撫青萍

定州懷古

威名蚤歲懾西羌
移節重開閱古堂
一代元勳安社稷
四朝遺老鎮巖疆
神功已慰三農望
晚節還占九月芳
他日歸來榮畫錦
平泉贏得大文章

黨人朝局又重翻
誰遣擠排守北門
已分七年投嶺海
尚留一疏叩天闕
閒情且著松醪賦
逸興仍銘雪浪盆
遙指太行來突兀
雲車風馬迓忠魂

過定州

荒墟過盡見平疇
餅餌香中入定州
麥氣蒸天黃霧涌
槐陰匝地碧雲流
登場喜見呼羣雀
久旱新聞喚雨鳩

昨日保陽城畔過火雲如繖正當頭

正定懷古

擊筑聲中廣讌陳癭揚反側帖然馴羣雄尚未歸真主
兵法應須用美人高會漆園纔幾日外家金穴已成塵
君王自念微時劒虛占椒風第一春

鉅鹿懷古

八千子弟起江東力破秦軍蓋世雄諸將若皆觀壁上
偏師安得定關中五星天助炎劉運三戶人思項氏功
碌碌鯁生論成敗先幾應媿楚南公

白登卅萬困單于婁敬和親計本迂一飯未嘗忘鉅鹿

六軍空復次飛狐甘泉烽火連中禁細柳旌旗勞亞夫
他日圖形麟閣上漢家良將未全無

趙州大橋

清淺涑河滑似油騎驢閒度石橋頭城西劉整碑何在
空向斜陽問涸流

長虹初月影難描闌外瑣瑣映柳條參破演公關捩子
不妨穩過趙州橋

邯鄲

悲歌聽不得莽莽上叢臺落日長如此清漳去不回琴
聲通幻夢騎射信雄才兒女終爲累豪情化劫灰

囊中毛遂劒樓上美人頭已分三年處誰將一笑酬才
人厮養婦名士賣漿儔賸有殘盃在臨風酌趙州

盧生祠

一枕瞢騰入夢時邯鄲又拜呂翁祠睡鄉真味吾能說
祇恐先生轉未知

投筆封侯萬里天蓬萊何處有神仙如何一覺黃梁夢
換卻功名四十年

雙眼摩挲鎮日醒深山閉戶誦黃庭何當玉簡朝金闕
廣奏鈞天六日聽

鈴鐸聲聲替戾岡槐陰一樹對斜陽從君乞取青瓷枕

日作游仙夢一場

襄國懷古

胡雛倚嘯上東門典午山河日月昏地振軍聲鳴鼓角
天開神算勝吳孫漚麻早釋隣人怨借箸能將漢史論
太息祖生空擊楫何由恢復定中原

五日過杜喬故里

跼天踏地恨難伸胡趙徒存碌碌臣漢室衰微從此始
中朝倚望更何人金蛇空貯司農庫繡牙長埋刺史輪
淒絕夏門亭吏語汨羅何必弔靈均

鄴中懷古

王氣南陽已鬱蔥尚書猶自奉關中能令真主稱佳吏
獨以孤忠報聖公鬼語可憐誰見聽婦言儻用或成功
叢臺賓酒論心日祇恨揚虛志不同

本初氣俠自桓桓慷慨升壇奉敦槃坐上橫刀訶董卓
幕中飛檄走曹瞞家聲四世台司貴霸業三州骨肉殘
誰召外兵成首禍漢家天步遂艱難

漳水東流蕩夕曛銅臺高揭切寒雲一家詞賦千秋業
六代傳摹九錫文北海竟難支大厦西陵何處弔荒墳
手持季豹汎瀾語誰把餘香帳殿薰

赤橋紫陌傍西臺四塞河山付劫灰一樹櫻桃中婦豔

千重錦甲美人來
銅駝淚向秋風灑
金鳳門臨夜月開
玉璽終歸江左去
奸雄空費右侯才

唱徹聲聲阿得脂
魚羊妖讖兆鮮卑
家山遺恨三臺失
蓋世威名五木知
蚤日艱貞似箕子
暮年義旅縱苻丕
中興偉略真王度
垂翼終當奮澠池

拓跋中分帝業微
蒙氍鑄像總危機
空教垂翅憐青雀
不見亡高有黑衣
狗腳竟遭丞相怒
犢車誰送故君歸
六宮慟哭循廊詠
眼看河邊殺獬飛

明月摧殘王氣收
涼風堂下鬼啾啾
朝綱已被盲人壞
要略先從祕監偷
豈有至尊翻乞食
可憐天子竟無愁

當年父子如龍虎救勒歌成涕淚流

五王同盡少宗盟肺附終應仗舅甥黑獺已移三世祚
黃龍空練十州兵倉皇翟義行師日慷慨王淩慟哭聲
一槩興亡關氣數白頭莫歎事無成

湯陰懷古

晉鄙昔救趙堅壁屯蕩陰逗撓不敢進嘆喑同鳴喑手
提十萬兵主命有不受奈何亦畏秦兩端若鼠首鄙也
誠宿將伺便有老謀秦兵如餓虎詎輕以肉投單車不
聽代兵法頗持重想其部勒嚴森然不可動公子且不
畏矧乃一虎符脫無朱亥椎軍豈易奪歟大功雖未就

身死名亦立所以信陵君潛然爲之泣

稽侍中墓

穹碑猶勒永興年朝服登輿氣懍然野草三春含碧血
秋桃一樹鎖蒼煙淒涼鶴影歸雙表喟息琴聲斷七絃
鬱鬱王儀墳上柏有人曾廢蓼莪篇

拜岳忠武祠

大樹南枝挂夕暉祠堂千載尚崔巍竟虛絕塞迴龍馭
不及還鄉著錦衣內旨朱仙傳急召中原赤子歎何依
蕩陰長作腥羶地祇恐忠魂未忍歸

已割燕雲屬北荒又傳索土夢錢王渡河臣志同宗守

航海天心棄建康他日厓山存塊肉當年巨浸感空桑
陸沈歎息神州徧不獨漂流念故鄉

侍中墓草對黃昏一掬千秋碧血痕豈謂兩言由哲婦
遂教三字抱沈冤深宮間尚勞慈聖報國忠難動至尊
畢竟馬家兒大黠澣衣猶解慰貞魂

落日陰森碧殿扃年時里老薦芳馨長城已壞朝廷小
浩氣來游草木靈佞骨唯吁墓石像神弦哀怨逐銀瓶
宅年湖上瞻祠墓願采黃柑酌綠醕

湯陰道中遇大雷雨入道旁空舍雨止復行宿宜
溝驛

長涂畏炎氛小憩湯陰縣裴裒鄂王祠瞻拜屢留戀駕
車出重闔風色倏千變曾陰西北來合沓四山眩疾驅
上高岡驚竦亂石燕絮雲未蒙頭白點已打面挽車避
道旁茅亭敞空傳撼關鏃似舟激雷疾于箭潛蛟轟怒
雷金蛇掣犇電乾坤一氣浮黑入太陰戰村農四五輩
荷鋤力已勸燎衣嗟腹枵顧我色猶羨前路正未央雨
晴整鞅賴水深軌已沒厓斷渦方轉崩岸摧樹僵驚湍
齧橋穿輪銜石齒歆馬蹙浪花濺迴邇登陂陀突兀阻
沙堰行防轅欲壓止恐漚仍旋東南一抹痕雨腳尚垂
綫回首望太行明滅晚霞絢客子心屢驚僕夫竊相唁

古驛指宜溝脫粟且充簞我生多迍邐蚤歲足貧賤如
何走風塵造物苦訶譏卻憶今年春亢旱匝畿甸
宸衷塵耗數祈禱山川徧謁來冀豫郊原隰喜沃衍一
雨地脈蘇平疇色蔥蒨努力培秋禾豐年兆行見明發
問前途衝泥亦懽抃

湯陰旅店戲題

豆粥香調小麥人鏘然脆玉動牙齦殘盃冷炙酸辛甚
猶勝東坡作逐臣

淇縣

杲杲開初日焯焯見曉星濤奔淇水白山倚太行青緬

古邱仍帝知時雨自靈泥中吾有分未敢詠榛苓
利厚張魚網時清少鶴軒園連千畝潤水會百泉喧盜
賊于今息關津識吏尊三河都會地好在撫黎元

比干墓

宗國悲淪喪空懷六七君三仁難悟主一死足存殷碣
勒宣尼筆碑留魏帝文淇泉清徹底千載繞孤墳

衛輝道中

棗花十里暗香融仄徑玲瓏曲折通紫葢垂垂鳩婦雨
黃雲漠漠鼠姑風縑絲暖曝三盆白染草晴蒸百頃紅
遙指檣帆來碣石危橋千尺倚長虹

延津道中

茫茫禹蹟經遷徙莽莽中原幾廢興
漢代宣房沈竹石宋朝宮闕失枌桮
雲迷官渡懷沮授日落夷門弔信陵
試上金隄更南望浮圖百級勢崢嶸

抵汴

夷山崢嶸向吾曹歷覽中原快此遭
陟險且騎支遁馬防身誰贈呂虔刀
黃河天半齊熊耳黑月宵分出虎牢
莫漫臨風發長嘯監門從古有人豪

襟上滹沱雨未收眼前如夢帝王州
荒墳曾下真龍拜繁塔閒宜跨鳳游
千古治河憑下策三條寶帶劃深溝

教倉廣武吾何歎豎子英雄貉一邱

曾與

曾與寒梅約歸期指落花春風不相借送我又天涯身
賤仍爲客書長未到家今宵閨閣裏應尚說京華

高陽酒徒行

赤帝西馳雲氣開高陽酒徒按劍來儒衣通謁冠側注
軍門一叱聲如雷杖矛雪足攝衣起見長者敢倨牀洗
長揖上坐譚縱橫焉能握齷多苛禮將探虎穴誅暴秦
麾下迺不滿萬人一行便得陳留粟再試復降嶢下軍
入關徑掉三寸舌勝奪剛侯四千卒咄哉蕭曹刀筆徒

合讓狂生功第一
滎陽圍急真龍愁誰爲陛下畫此謀
食前趣刻六國印
借箸幾費留侯籌
先生此法當失矣
天下壯士乃如此
丈夫舉事不細謹
成敗利鈍偶然耳
伏軾已下七十城
蒯徹一說夜度兵
而公賣齊不賣國
豎儒固合提湯亨
吁嗟乎短衣楚製影長纓
綿蕞朝儀
一月成天子方知
皇帝貴
笑煞真儒魯兩生

夷門懷古

萬古夷門色不秋
無雙名合冠諸侯
鼓刀有客能降虎
按劍吾君且縱鳩
晚節漸親醇酒味
當年曾報美人仇
平原空自矜豪舉
枉送樓中笑者頭

秋日同謝裕菴大令照童默生上舍秦樞謝生承
堃史生悠寅璜登吹臺以踐夷門升吹臺爲韻分
賦得吹字

商飈振林柯初日下平地撫劍忽不懼登臨愜同志晨
策踐夷門相將整逸轡逶迤古道寬滯嶮平臺巋危磴
鬱盤紆神宮肅清閼

上有禹廟今名禹王臺云

畫壁森龍蛇深箐走

魑魅指圭延喜珍掣鏤庚辰侍微禹吾其魚千秋秩祈
岬循闌俯窺徠倒景極寥邃萬象搖清光兩戒入決眚
黃河一髮連巨靈屹肩巔少室卅六峰雲色駭愕貽秋
聲西北來髣髴列仙吹我聞魏王謠擇言此揚觶又聞

鄒枚徒雅游探奇祕陳蹟旣已湮歲月渺難誌徑欲從
松喬空中書豫寄青鳥語丁寧排雲展雙翅浮邱騎龍
迎巍峩冠霞帔太容彈雲璈靈斐鼓瑤瑟飲我金莖盃
酡顏頰微醉長生不可求瑤池宴荒恣安得聽鈞天九
辯奏雅肄函夏靜纖塵陰崖轉寒隧坐久來清風歌長
發遐思下方九萬家顙氣莽空翠

簡謝崇之同年益

許昌官舍雙樺燭鼓吹紛綸雜五經知否列仙游樂甚
乘風高唱與君聽

禱雨辭

并敘

延慶觀宋時爲朝元萬壽宮蓋艮嶽遺址也上有玉
皇殿秋日偕同人瞻禮見卽嫗羣膜拜祈雨其詞甚
懇儻亦窮則呼天之旨與爰操管而寫之

告皇天告皇天願天鑒憐天不我憐民將聞之官官爲
我結法壇召黃冠又費我百姓錢解一焚名香酹美酒

鮮羔擊肥牡受帝厚恩報帝亦云孔厚解二有木旣童有

山旣赭有田旣耨有澤旣瀉高高下下濯濯如也我民

餓死原野誰爲帝俎羔擊牡酹酒焚香者解三帝城嵯峨

帝闢閭閻帝亦賴我民供養我民下入黃泉帝忍安坐

三十三天之上解四從神何官其位孔尊我民事爾亦勤

爾胡爲口銜雷霆手握風雲不向帝前陳一言

五解拜日

君拜日君我禾如焚我心如薰願霽威神興油雲賜我

甘雨活我民我民疾苦君應聞

六解

登祐國寺塔放歌

我來挂席浮黃河南指汴城一刹那雲霾浪涌迷雉堞
半空塔影高嵯峨解裝便欲延幽訪夜夜心安塔鈴上
統如官鼓引夢魂閒逐天風自搖漾新秋七月天氣高
凌晨訪古呼朋曹南登平臺拜禹廟北上鐵塔觀飛濤
驅車入門景蕭瑟碑趺剝蝕埋蓬蒿啞鐘臥地落嚙簾
獠佛露坐塵蒙袍浮圖中空石作柱誰爲戴者疑六鼇

振筦闢扉色黝黑賈勇競進矜雄豪錐卓千尺勢巍峩
螺旋一徑環周遭前者俛伏後者仰滑不留趾代以尻
捫壁曲折盤磨蟻絕繩厯碌升枝猱洞精但驚雲浩浩
入耳微覺風嘈嘈巡欄四望無欄櫓失勢一墜那得取
徑思跨鶴乘罡風手把天關與天語黃河如絲雲際橫
瀉入懷間作秋雨羲和頓轡不敢到寒栗生肌絕炎暑
遙觀下界火雲合赤日懸空正亭午山川城郭不可辨
一氣茫茫轉千古風沙頽洞夷門昏滄桑往事何足論
趙家宮闕化禾黍艮嶽無復餘隕垣傳聞此塔建五代
千餘年來歸獨存卽看壁間像端好琉璃佛四十八尊

旁書洪武歲丙子周王安奉酬慈恩當時大都勢耦國
禍機已伏金川門北平石燕蔽江下倉皇易服哀王孫
惟王造此有深意願禮慈雲蔭後昆崇禎壬午九秋日
壞雲壓壘長圍急龍工奮怒推雷車倒卷黃河向天立
朱家馬家兩隄潰一時水勢長驅入八十萬戶殫爲魚
親藩露次宮人泣連雲棖棟填淤泥白日鼉鼉走城邑
是時佛力示神異矗立寒空十三級蒼茫懷古起牢愁
乘興欲登最上頭同人牽復不肯上我亦凜冽難久留
下梯腳輒目光眩回瞻相輪色明絢歸來欹枕且安眠
夢繞河流曳秋練

秋氣中人寢不成寐卽事感懷

牆陰切切咽寒蟬數徧銅壺漏乍長兩戒明河低伏枕
一丸涼月浸匡牀孤燈吐穗心先死秋夢如雲影亦忙
吟罷商聲天籟靜廿年陳迹怕思量

惱人清夢夜眠遲客裏情懷祇自知望斷轉愁鄉信到
衣單應繫老親思傳家書願驕兒讀無米炊憐病婦支
寂寂更教王儉笑可堪雙鬢漸成絲

對月

秋氣不可極浩然風露侵月臨中土靜雲傍大河陰花
意澹無語蟲號寒不禁純鉤藏匣久莫更作龍吟

九月十四日夜露坐和史生悠辰韻

疏鐘已沈相國寺急柝初動侯羸門衆星斂芒讓月大
獨雁哀踟愁雲繁依人寒鞠媚新影何處暮碁驚旅魂
一尊在手且莫放明日陰晴難具論

黃武陵大令景福中山授經圖

皇帝文德溢九州震聲日景燭八幽南誓交趾西渠接
北盪漠北東東甌三韓百濟靡不周萬里候尉投鳴枹
孰爲不順春其喉中山國古名流求若煙若霧海一陬
鼉鼉嶼畔落滌洲三重塹柵環深溝三十六姓生齒稠
帥以鳥了雄厥酋氏歡斯名渴刺兜波羅檀洞聚憫體

古志荒怪語謬悠邇來

化洽思懷柔其王嗣服職貢修煌煌

金冊懸高樓觀光思芘徑寸庥爰遣子弟乘螺舟厥包
厥匭囊乾餼乙針遙指占女牛樽桑若薺鵠金蚪水豹
吹浪海若愁舌人重譯拜

冕旒授經慎簡國子儔

帝命司成拔其尤僉曰臣景福實優女往司鐸

聲教邁孟冬十月吉日諏大昕鼓篋鳴鐘球頌簫迭奏
十二彊肄雅鳴鹿歌呦呦銀簪紅帽眉髟髟寬博交衽
阜布構脞聲蹠蹠躬僂僂異薌秘葢荆金榴桑皮硃紙

光若油佳蘇魚美水上羞白龜幅布作束修成均西廂
畫壁髹梧楸雜植風颭颭先生炯然雙清眸揮塵微笑
其神適都講就席衣僂偃其文詩書易春秋奎宿列像
冠離婁孟子離婁篇簡首獨列奎宿像朱衣髣髴若點頭祕本或從雞
林收金鏤紅縹工雕鏤雌圖新義費校讎依魯花義聲
啁啾同文覃訖孰敢咻三年教成觀棘猴文章解誦韓
與歐五言兼仿長城劉司成上奏

帝曰休庸以墨綬功則酬弟子放還傳邊郵箕然鳥逝
不可留吾道東矣無煩憂海外何用乘桴浮卽今挾策
梁園游翩然身著日本裘甚口辯過談天鄒鑿空欲嗤

博望侯相如文筆第一籌子虛賦就恐暗投儻給筆札
陳嘉謀曾見建節鳴八騶負櫛挾弩夾兩駒時無狗監
心氏惻他年聽鼓眠黃紬鳴琴而理勿競綵道傳絕域
仁誼流牖民孔易如毛轡忍令三農或輟耰努力爲續
春陵謳徧諭父老宣

皇猷

敗屋二首

并敘

汴濱大河地執汙下土多斥鹵屋鮮爽塏而學使者
公廨特甚余所居老屋三楹尤傾危湫隘屋後故穢
墟夏淫雨水瀉瀉從牆隙流秋陽酷烈土氣蒸人不

可耐始入時惴惴焉思旣亦安之矣十月廿八日夜
默生過余清譚宵分未已忽聞壁間有聲甚厲余與
默生聯袂疾跳才踰闕則砉然一聲北牆傾倒適當
臥所繩床紙帳摧折無餘向使默生不來則余竟成
齏粉矣驚定而痛作詩紀之

噩夢連宵報不祥果然東壁厄文昌未聞公座騎危術
且學檀弓避死方微命漫勞收廣厦依人那免立巖牆
驚魂乍定聽鈴語猶似聲聲替戾岡

敗瓦頽垣迴暮愁溺人自笑杞人憂由來入幕危於燕
不信營巢拙似鳩藏壁定須成死友排牆幾誤殺清流

明朝異事應傳遍真箇先生屋打頭

雪中校射置酒以觴勝者

飛雪滿弓弣凌晨逸興豪佐尊寒菜美打面朔風饕力
薄愁官笥情深脫寶刀何當臨絕塞馬上酌葡萄

飲香亭夜坐

西風作勢撼窗櫺兀坐荒亭擁被聽殘雪窺簾三面白
昏鐙吐穗一痕青鑪灰盡徧詩難就紙帳寒生夢易醒
絕似去年瓜步下怒濤千丈夜揚舲

冬至夜作家書

一封書就悄無言手撥鑪灰火尚溫遙想夜深家祭了

合家團坐話梁園

旅懷欲寫恐無端
重把魚牋細細看
莫道空函容易得
最難兩字是平安

當頭皓魄一輪圓
重疊緘題意惘然
丁丑仲冬冬至寄
此書寄到是明年

冬夜書懷

寂寞空齋感歲華
悔彈長鋏走天涯
名心被縛深於繭
世味輕嘗薄過紗
短景崢嶸催急柝
亂雲輕重送昏鴉
何時重對鄉關月
獨荷煙鋤自種花

淒清景物畫難成
定後微聞空外聲
倚壁寒燈還自語

打窗落葉作人行無多雪壓欹斜瓦不定風吹長短更
收拾雄心參妙諦聲聞果已證三生

瑩然性靜似潛魚又聽蒲牢欲動初石研冰生緣骨冷
銅銚湯泛驗心虛要思出世聊爲客幸未成名可讀書
他日幽探尋大藥萬山深處構精廬

殘月蒼茫挂樹梢荒雞喔喔起寒郊裘溫漸覺微陽動
腳冷緣知半夜交香燼撥灰留一寸夢醒捫腹有三爻
詩成付與何人讀十指排籤手自鈔

簡春嵐同年乞著草

戊寅

君從太皞陵邊過願乞

去聲

神著代索茅我是九巫山下

客前生早已飲三爻

送史生悠寅就婚九江

昔者王文成親迎至洪都行入鐵柱觀道士方跏趺對
之默然坐邈與世俗殊暑中紙數篋昕夕供臨摹會心
獨在遠得精遺其粗回謁婁一齋妙論如醍醐由茲遂
精進蔚然爲大儒子今西江去努力追前模異人間世
出勿謂吾言迂遙觀斗牛分佳氣無時無

紀夢

庚申夜守祝長生寫徧星詞禮上清三疊琴心通至理
六朝詩筆助吟聲已拋仙蛻埋書窟可有花封拜管城

夢繞落霞飛不定虛壇清磬續寒更

去年河間道上惠欽同年作折楊柳詞音節淒惋
春日多暇爰廣其意復成四章

折楊柳柳眉鎮日垂留取待郎畫淺深儂自知
折楊柳折柳貫雙魚得魚且莫食恐有腹中書
折楊柳柳綫綠絲繚柳棉不可著那得絮征袍
折楊柳楊柳拂征驂郎行見楊柳一掾望江南

春日書懷

韶華轉瞬過清明如夢鶯花惜舊盟身似游絲經雨倦
愁如芳草到春生風來高樹聲逾勁地入中原勢漸平

忽憶去年燕市裏酒兵文陣正縱橫

風箏

隋隄煙柳綠濛濛
視出輕雲別樣工
二月新愁生北郭
六朝舊恨付東風
聲傳牧笛參差外
春在游絲蕩漾中
料得江南芳草地
有人望斷晚霞紅

內子書來云去年冬至內集方罷月可中庭嗟我
懷人臨風感歎寒氣襲衣病臥累日謝莊賦云隔
千里兮共明月古今人正同此情用酬其意兼以
慰之

高堂懽讌罷持燭下蘭房之子經年別空閨獨夜長清

輝穿戶牖冷露滿衣裳莫唱刀鐃曲臨風易感傷

送春

人在天涯尚未歸留春無計惜芳菲花當深夜愁如夢
雲戀斜陽嬾不飛三月偶然同小住一年從此又相違
東風最是無情物忍遣殘英上客衣

一片輕煙蕩不開隋隄漠漠簫聲哀落紅似海飄春去
新綠如山擁夏來小閣陰森人中酒中原夷曠客登臺
何當瀉取黃河水倒入婪盃作醪醅

惠欽北上宿中山店見余去年題壁之作和詩遠
寄辭旨悲惋夢韻奉答

來往真乘九萬風六千里路十句中纔經鄧尉探香雪
又到天街踏軟紅自古鍾情惟我輩可能乞食向諸公
四門學舍蕭條甚也占春光小苑東

滕縣春花嶧縣風輸君身在畫圖中一雙眼任看天白
二八顏能借酒紅相骨有書憑日者療愁何術問雷公
舊題拂拭應相惜有客悲吟鄭圃東

猶憶開樽趁晚風去年山店月明中詩窮敢望籠紗碧
命薄旋遭勒帛紅無地開鑪資富媪有時脫矯笑天公
愁心應共春潮長臥聽河聲日夜東

隋隄漠漠柳花風百代興衰在眼中出匣刀凝秋水白

藏懷刺退研光紅睡餘飽喫青精飯吟罷時呼赤鯁公
欲訪孫登長嘯處蘇門蒼翠太行東

新詩遙寄愈頭風無限淒涼託句中明鏡自然今月朗
好花原邈古時紅誰能入市求西子我欲移山效北公
此去晤言知不遠相期同醉薊門東

鄖陽行

保康縣典史蕭公諱水清號廉泉廣東平遠縣人祖
炎福建興化府知府父應銳貴州平遠州知州公負
奇才連不得志於有司乃入貲爲尉分發湖北乾隆
乙巳楚饑大吏以公廉能檄令襄理武昌各屬賑務

公悉心稽核無冒無遺補保康縣典史嘉慶元年楚
匪姚之富等倡亂剽掠州縣至保康界屯白谿溝邑
巨奸楊昭謀應之有來告者官吏皆不信公託檢查
丁籍突入其室盡得其與賊往來書遂斬以徇賊聞
怒甚乃於二月十五日進圍城城故土築高不踰丈
公慷慨誓衆晝夜拒守力不敵二十日城陷巷戰死
之長子其馨幼子其芳族姪祚超妻弟林良鳳皆從
公力戰死夫人林氏家婦韓氏孫女瀛仙皆自刎幼
女及長孫步丹年皆八歲號尸側賊以矛刺之殞於
地翌日復蘇人以爲忠烈之報云次子其薰自粵往

輿公骨歸葬事聞 贈縣丞入祀昭忠祠 子雲騎

尉世職夫人林氏長子其馨等並 子卹如例

翼軫芒寒纏殺氣卽陽兵火連天沸草木新沾戰血腥
風雷下迓英魂毅蕭公簪仕尉保康其時羣盜方侏張
妖氛未豁饑荒告公來善政始發棠已聽勞魚歌父母
更看集雁免流亡民安好待天心順城小全憑衆志強
無何烽燧岡巒震羽檄交馳傳反問荒縣人誰習鼓鞞
盈廷吏尚參疑信斯時城守專仗公談笑從容惟坐鎮
刮寇先焚妖鳥巢練兵纔布長蛇陣春江三月水縈迴
白波如山動地來填濠千騎奔濤涌繞堞一聲畫角哀

當頭圓魄黯無色四面隕雲蕩不開慷慨提戈還誓衆
倉皇仗劒且登臺蠡屯蟻附長圍合困守土城勢逾急
鐵甲三重斂柵呼雲梯百道排空立雌蜺蟠營鬼哭多
櫓槍吐彗刀鉞澀轉鬪孤軍勇氣衰環攻五日長驅入
城頭吹散鸛鵝聲巷戰猶驅子弟兵裂帛裹創顱已斷
結纓畢命面如生罵賊捐軀袁景倩闔門殉難卞忠貞
紅顏飲刃驂鸞去碧血成虹貫日明嗚呼公官一尉耳
昭明大義乃如此臣忠子孝婦隨姑烈烈七人同日死
梅福高風接釣臺蔣侯靈蹟崇禋祀何似公能遏賊衝
獨以全家報

天子桓桓果毅來恆公提師電掃成大功洗兵雨過晴
川綠劫火飈迴曠野紅廓清端自由

神武翊助還應賴鬼雄饒鼓歡歌齊奏凱

絲綸光賁爲褒忠中男扶匭還鄉葬哭聲響徹雲霄上
擁住靈輿奠一觴邨夫野老皆懷愴盛事傳來二十春
威弧早已淨煙塵陰雲日暮荒城合化作甘和福兆民

鄭烈女傳

并敘

烈女鄭氏名願姐河南通許縣陳家集人鄭子臣之
次女也幼字同邑儒童李承伯女性沈毅自孩提時
不苟言笑十歲受學於族叔鄭金鐸手不釋卷尤愛

讀朱子綱目年十三父病日夜禱於天願以身代及
居喪哀毀過於成人父亡後家益貧女以鍼紵紡績
佐母養殮盡孝無違嘉慶戊寅承伯與女年俱十七
矣兩家請期將以秋初合卺三月六日承伯忽遭疾
卒赴至女色變飲泣不食母宛轉諭之不應是夜投
繯以殉顏色如生夫家請於女氏迎女匱歸合葬於
承伯之墓邑人臚其事籲請旌表建坊並徵詩以
備志乘之采擇焉

子雲死作莽大夫子魚生作魏司徒姁姁取容事二姓
負此七尺堂堂軀紫陽綱目明大義爰以直筆伸天誅

綱常千古賴不墜奇節迺出咸平姝咸平岡巒鬱盤紆
鄭家有女玉不如十齡婉婉誦綱目常慕忠孝懲奸諛
冰心玉鑒別涇渭往往掩卷長歔歔十三嚴親遭癘疾
籲天虔禱搶地呼願效緹縈代父死願效孝娥投洪鑪
微軫雖達數先定崦嵫日馭難回紆北堂諼草顏色枯
于嗟黃鵠依其雛承懼手治蘭絲枲習禮雜佩珩璜琚
隴西才子仙儒耀香纓一繫永不除女歸得所母願畢
三秋擬駕雙鸞車暮春屋角蹲訓狐玉樓下召遣九巫
傳來凶問女色變母心宛轉如轆轤女心久已誓古井
就義豈待重躊躇躊躇未決爲老母春暉欲報親勤劬

全生捐生各有分區別輕重師前模范滂王經有母在
皆以身殉時艱虞殉夫殉君事等耳大義一定終不渝
是時三月弦上初纖纖月照西南隅慈雲晦藹失珠彩
陰風慘澹號金鋪生年十七死千載取義至重非錙銖
宗黨喑嘖相歎吁

天題綽楔旌門閭兩家合葬起芳冢上有連理花交跼
賢侯闡幽著奇節直筆遠仿新安朱乾坤正氣不磨滅
間世尤賴人匡扶曹娥死孝惠風烈綱目一編略弗書
考亭著書資治道限於史例良非疏旌淑別惡義雖一
國史邑乘體則殊會看特立貞女廟伐南山石刊其圖

重脩志乘表芳躅倬如皎日行天衢錄實上備太史采
風厲薄俗宣

皇謨